



Broj: 27-1684-2/20
Datum: 22.09.2020.

Na osnovu člana 64. stav (1) tačka b) najniža cijena, člana 70. st. 1., 3. i 6. Zakona o javnim nabavkama („Sl. glasnik BiH“, broj 39/14), na Preporuku Komisije za javnu nabavku broj: 27-1684-1/20 od 21.09.2020. godine, u postupku javne nabavke medicinskog materijala, dezinfekcionih sredstava, pelena i dr. – **LOT 10. Pelene za odrasle** za potrebe korisnika KJU „Dom za socijalno zdravstveno zbrinjavanje osoba sa invaliditetom i drugih osoba“, direktor donosi

O D L U K U

o izboru najpovoljnijeg ponuđača

Član 1.

Prihvata se Preporuka Komisije za javnu nabavku, broj: 27-1684-1/20 od 21.09.2020. godine i Okvirni sporazum za **LOT 10. Pelene za odrasle** za potrebe korisnika KJU „Dom za socijalno zdravstveno zbrinjavanje osoba sa invaliditetom i drugih osoba“ –dodjeljuje se ponuđaču :

„Bauerfeind“ doo Sarajevo, ponuda broj: 632-9/20 od 01.09.2020. godine, a koja je protokolisana kod ugovornog organa pod brojem 27-1633/20 dana 09.09.2020. godine sa ponuđenom cijenom nakon provedene e-aukcije u iznosu od 5.142,48 KM bez PDVa.

Član 2.

Prijedlog okvirnog sporazuma o nabavci roba iz člana 1. ove Odluke, dostavit će se na potpis izabranom ponuđaču po proteku roka od 15 dana, računajući od dana kada su svi ponuđači obavješteni o izboru najpovoljnije ponude.

Član 3.

Za izvršenje ove Odluke zadužuju se i ovlašćuju Služba pravnih i kadrovskih poslova, Služba za servisne usluge i ishranu korisnika.

Član 4.

Ova odluka objavit će se na web-stranici www.kjudom.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 27-1521/20 od 18.08.2020. godine.

Javna nabavka je provedena putem otvorenog postupka.

Procijenjena vrijednost javne nabavke bez PDV-a je iznosila je 10.000,00 KM.

Tenderska dokumentacija je objavljena na portalu javnih nabavki istovremeno sa objavljivanjem obavještenja o nabavci. Prve izmjene tenderske dokumentacije objavljene na portalu javnih nabavki dana 24.08.2020.

Komisija za javnu nabavku imenovana je Odlukom broj: 27-1598/20 od 02.09.2020 godine.

Komisija za javnu nabavku dostavila je dana 21.09.2020. godine Zapisnik o pregledu i ocjeni ponuda broj 27-1684/20 i Preporuku o izboru najpovoljnijeg ponuđača broj: 27-1684-1/20 od 21.09.2020. godine, u postupku javne nabavke LOT 10 – pelene za odrasle za potrebe korisnika KJU „Dom za socijalno zdravstveno zbrinjavanje osoba sa invaliditetom i drugih osoba“ .

U postupku po izvještaju o radu je utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda tri.
- da su blagovremeno zaprimljeno tri ponude.
- da nije bilo neblagovremeno zaprimljenih ponuda.
- da su ponude ponuđača „Bauerfeind“ doo Sarajevo i „Mipex“ doo Banja Luka prihvatljive.
- da ponuda ponuđača PZU Apoteka „Vedypharm“ Sarajevo nije prihvatljiva i isključuje se iz daljeg razmatranja ponuda iz razloga što ponuđač nije dostavio Potvrdu (Rješenje) Agencije za lijekove i medicinska sredstva BiH da je ponuđač registrovan za prometovanje robom koja je predmet nabavke ili Potvrdu/Rješenje da ponuđač robu nabavlja od veletrgovca koji je registrovan kod Agencije za lijekove i medicinska sredstva BIH na način kako je traženo tenderskom dokumentacijom. Dalje ponuda se odbacuje i iz razloga iz razloga što je priložena pismena izjava u vezi sa članom 52. stav 2. ZJNa potpisana od strane Adise Alić koja je prema podacima iz ponude uposlenica. Navedenu izjavu je moglo dati samo lice koje je po zakonu ovlašteno da zastupa ponuđača i koje je kao takvo odgovorno za zakonitost rada, imajući u vidu činjenicu da se u izjavi pod punom materijalnom i krivičnom odgovornošću, svjestan krivične odgovornosti predviđene za koruptivna krivična djela, davalac izjave izjavljuje da ponuđač nije učestvovao u nekoj koruptivnoj radnji. Izjava je neprihvatljiva jer zaposlenici koja je istu potpisala može biti potpuno nepoznato da li postoje okolnosti zbog kojih bi ugovorni organ bio dužan diskvalifikovati ponuđača u smislu odredbi člana 52 ZJN. Navedeni stav je potvrđen i Rješenjem Ureda za razmatranje žalbi broj: JN2-02-07-1-686-6/20 od 09.04.2020. Pored navedenog ponuda ponuđača nije čvrsto uvezana.
- da je e-aukcija provedena u skladu sa Pravilnikom o načinu i uslovima provođenja E- aukcije („Sl glasnik BiH“, broj 66/16),
- da cijene prihvatljivih ponuda ne prelaze procjenjenu vrijednost nabavke.

Nakon izvršenog pregleda i ocjene ponuda zakazana je e-aukcija dana 21.09.2020. godine u 9,00 sati. Po uspješno okončanoj e-aukciji utvrđena je konačna rang lista ponuđača koji su učestvovali na e-aukciji:

r.b.	Naziv / ime ponuđača	IDB/JIB	Konačna cijena u KM bez PDVa	Umanjenje cijene	Rang.
1.	„Bauerfeind“ doo Sarajevo	4263322900002	5.142,48	48,49%	1
2.	„Mipex“ doo Banja Luka	4401707660006	5.150,00	31,44%	2

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, direktor ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da je ponuđač „Bauerfeind“ doo Sarajevo najbolje ocjenjen zbog:

najniže cijene kako slijedi i ispunjenja uslova za kvalifikaciju na osnovu tenderske dokumentacije:

	Naziv / ime ponuđača	Ponuđena cijena (bez PDV-a)
1.	„Bauerfeind“ doo Sarajevo	5.142,48 KM

Izabrani ponuđač je izabran primjenjujući kriterij najniže cijene, koja je ponuđena u iznosu od 5.142,48 KM., dok je cijena drugoplasiranog ponuđača je 5.150,00 KM *čime je utvrđen i njihov sukcesivni red.*

Iz navedenih razloga, primjenom člana 64. stava (1) tačka b) Zakona o javnim nabavkama, odlučeno je kao u dispozitivu.

POUKA O PRAVNOM LJEKU: Protiv ove odluke može se izjaviti žalba, najkasnije u roku od 10 (deset) dana od dana prijema ove odluke. Žalba se izjavljuje ugovornom organu u pisanoj formi direktno, elektronskim putem ili preporučenom pošiljkom. Žalba se podnosi u dovoljnom broju primjeraka , a koji ne može biti manji od tri.

DIREKTOR

Hazim Durmišević, dipl.ecc

Dostaviti:

1. PZU Apoteka „Vedypharm“ Sarajevo., ul. Panjina Kula do broja 78 Sarajevo
2. „Bauerfeind“ doo Bulevar Meše Selimovića 19., Sarajevo
3. „Mipex“ doo Krajiških brigada 209., Banja Luka
4. Službi za servisne usluge i ishranu korisnika,
5. Službi finansijsko računovodstvenih poslova,
6. Službi pravnih i kadrovskih poslova,
7. a/a